

Morning Worship

2026-07-19 — Lord's Day 29

Call to Worship*

Psalms 100:1-4

Magkaingay kayo na may kagalakan sa Panginoon, kayong lahat na lupain. Mangaglingkod kayo na may kasayahan sa Panginoon; magsilapit kayo sa kaniyang harapan na may awitan. Alamin ninyo na ang Panginoon ay siyang Dios; siya ang lumalang sa atin, at tayo'y kaniya: tayo'y kaniyang bayan, at mga tupa ng kaniyang pastulan. Magsipasok kayo sa kaniyang mga pintuang-daan na may pagpapasalamat, at sa kaniyang looban na may pagpupuri: mangagpasalamat kayo sa kaniya, at purihin ninyo ang kaniyang pangalan.

Psalms 95:11

Kaya't ako'y sumumpa sa aking poot, na sila'y hindi magsisipasok sa aking kapahin-gahan.

Prayer of Invocation*

Psalms 86:1,16

Ikiling mo ang iyong pakinig, Oh Panginoon, at sagutin mo ako; sapagka't ako'y dukha at mapagkailangan. Oh bumalik ka sa akin, at maawa ka sa akin; ibigay mo ang lakas mo sa iyong lingkod.

Psalms/Hymn of Adoration*

Verbal Cue

Praise to the Lord the Almighty

Righteousness of God*

Exodus 20:1-17

At sinalita ng Dios ang lahat ng salitang ito, na sinasabi, Ako ang Panginoon mong Dios, na naglabas sa iyo sa lupain ng Egipto, sa bahay ng pagkaalipin. Huwag kang magkakaroon ng ibang mga dios sa harap ko. Huwag kang gagawa para sa iyo ng larawang inanyuan o ng kawangis man ng anomang anyong nasa itaas sa langit, o ng nasa ibaba sa lupa, o ng nasa tubig sa ilalim ng lupa: Huwag mong yuyukuran sila, o paglingkuran man sila; sapagka't akong Panginoon mong Dios, ay Dios na mapanibughuin, na ak- ing dinadalaw ang katampalasan ng mga magulang sa mga anak, hanggang sa ikatlo at ikaapat na salin ng lahi ng mga napopoot sa akin; At pinagpapakitaan ko ng kaawaan ang libolibong umiibig sa akin at tumutupad ng aking mga utos. Huwag mong babang- gitin ang pangalan ng Panginoon mong Dios sa walang kabuluhan; sapagka't hindi aariin ng Panginoong walang sala ang bumanggit ng kaniyang pangalan sa walang kabuluhan. Alalahanin mo ang araw ng sabbath upang ipangilin. Anim na araw na gagawa ka at iyong gagawin ang lahat ng iyong gawain. Nguni't ang ikapitong araw ay sabbath sa Panginoon mong Dios: sa araw na iyan ay huwag kang gagawa ng anomang gawa, ikaw, ni ang iyong anak na lalake ni babae, ni ang iyong aliping lalake ni babae, ni ang iyong baka, ni ang iyong tagaibang lupa na nasa loob ng iyong mga pintuang daan: Sapagka't sa anim na araw ay ginawa ng Panginoon ang langit at lupa, ang dagat, at lahat ng nangaroon, at nagpahinga sa ikapitong araw; na ano pa't pinagpala ng Panginoon ang araw ng sabbath, at pinakabanal. Igalang mo ang iyong ama at ang iyong ina: upang ang iyong mga araw ay tumagal sa ibabaw ng lupa na ibinibigay sa iyo ng Panginoon mong Dios. Huwag kang papatay. Huwag kang mangan- galunya. Huwag kang magnanakaw. Huwag kang magbibintang sa iyong kapuwa. Huwag mong iimbutin ang bahay ng iyong kapuwa, huwag mong iimbutin ang asawa ng iyong kapuwa, ni ang kaniyang aliping lalake o babae, ni ang kaniyang baka, ni ang kaniyang asno, ni anomang bagay ng iyong kapuwa.

Confession of Sin

Prayer

Makapangyarihang Diyos, na ang kaluwal- hatian ay pumupuno sa mga langit, at ang Iyong trono ay nakatayo sa itaas ng mga Kerubin, ipinahahayag namin na kami ay nagkasala laban sa Iyo sa aming mga iniisip, mga salita, at mga gawa. Dinungisan namin ang Iyong Banal na Pan- galan at tinalikuran ang Iyong kautusan. Hindi namin hinanap ang Iyong mukha nang buong puso, at marami kaming mabubuting gawa na hindi nagawa. Sindihan Mo sa amin ang banal na dalamhati para sa aming paghihimagsik at para sa katuwirang aming pinabayaan. O Panginoon, Ikaw ay matuwid sa pagha- tol, ngunit mayaman sa awa at tapat sa pag-ibig. Sa Iyo ay may masaganang kapatawaran. Pagalingin Mo ang aming pagkawasak, liwanagan Mo ang aming madilim na isipan, patatagin Mo ang aming mahihinang kalooban, at pagkalooban Mo ng kapayapaan ang am- ing mga balisang kaluluwa. Amen.

Call to Confession

Hebrews 4:15-16

Sapagka't tayo'y walang isang dakilang saserdote na hindi maaaring mahabag sa ating kahinaan, kundi isa na tinukso sa lahat ng mga paraan gaya rin naman natin gayon ma'y walang kasalanan. Magsilapit nga tayong may pagkakatiwala sa luklukan ng biyaya, upang tayo'y magsipagtamo ng awa, at mangakasumpong ng biyaya upang tumulong sa atin sa panahon ng pangangailangan.

Psalm/Hymn of Propitiation*

Verbal Cue

Jesus Paid It All

Assurance of Pardon*

John 3:16

Sapagka't gayon na lamang ang pagsinta ng Dios sa sanglibutan, na ibinigay niya ang kaniyang bugtong na Anak, upang ang sinomang sa kaniya'y sumampalataya ay huwag mapahamak, kundi magkaroon ng buhay na walang hanggan.

Acts 13:38-39

Kaya maging hayag nawa sa inyo, mga kapatid, na sa pamamagitan ng taong ito'y ibinabalita sa inyo ang kapatawaran ng mga kasalanan: At sa pamamagitan niya ang bawa't nananampalataya ay inaaring ganap sa lahat ng mga bagay, na sa mga ito'y hindi kayo aariing ganap sa pamamagitan ng kautusan ni Moises.

Absolution

Minister: Sumasampalataya ba kayo sa ebanghelyong ito?

Congregation: Sumasampalataya po kami.

Minister: Kung gayon, sa pangalan ni Cristo, at sa awtoridad ng Kaniyang Salita, habang kayo'y nagpapatotoo sa inyong sariling paniniwala sa ebanghelyo, ipinahahayag ng Kasulatan sa inyo na ang inyong mga kasalanan ay pinatawad na, at kayo'y wala na sa ilalim ng kaparusahan ng Diyos.

Congregation: Amen.

Prayer for Illumination

Prayer

O Panginoon naming Diyos, ang Iyong Salita ay ilawan sa aming mga paa at liwanag sa aming landas. Ipagkaloob Mo sa amin ang biyaya na tanggapin ang Iyong katotohanan sa pananampalataya at pag-ibig, upang kami'y maging masunurin sa Iyong kalooban at mamuhay lagi para sa Iyong kaluwhatian; sa pamamagitan ni Jesu-Cristo na aming Tagapagligtas. Amen.

Psalm/Hymn of Proclamation*

Verbal Cue

Speak O Lord

Sermon

Verbal Cue

Made Alive with Christ

Psalm/Hymn of Dedication

Verbal Cue

How Great and Awesome Is the Place

Affirmation of Faith*

Kredong Apostolica

Sumasampalataya ako sa Diyos, ang Amang Makapangyarihan-sa-lahat, maylikha ng langit at lupa. Sumasampalataya ako kay Jesu-Cristo, ang Kanyang bugtong na Anak, na ating Panginoon, na ipinagdalantao sa pamamagitan ng Banal na Espiritu, at ipinanganak ni Birheng Maria. Nagdusa sa ilalim ni Poncio Pilato, ipinako sa krus, namatay, at inilibing; Siya ay bumaba sa mga patay. Sa ikatlong araw Siya ay nabuhay na muli; Siya ay umakyat sa langit, Siya ay naluklok sa kanang kamay ng Ama, at mula roon Siya ay babalik upang hatulan ang mga buhay at ang mga patay. Sumasampalataya ako sa Banal na Espiritu, sa banal na pangkalahatang Iglesia, sa kapulungan ng mga banal, sa kapatawaran ng mga kasalanan, sa muling pagkabuhay ng katawan, at sa buhay na walang hanggan. Amen.

Offertory & Thanksgiving

2 Corinthians 9:9-11

Gaya ng nasusulat, Siyang nagsabog, siyang nagbigay sa mga dukha; Ang kaniyang katuwiran ay nananatili magpakailan man. At ang nagbibigay ng binhi sa naghahasik at ng tinapay na pinakapagkain, ay magbibigay at magpaparami ng inyong binhi upang ihasik, at magdaragdag ng mga bunga ng inyong katuwiran: Yamang kayo'y pinayaman sa lahat ng mga bagay na ukol sa lahat ng kagandahang-loob, na nagsisigawa sa pamamagitan namin ng pagpapasalamat sa Dios.

Pastoral Prayer

Verbal Cue **Leader only**

Let us pray.

Charge*

Ephesians 5:1-2

Kayo nga'y magsitulad sa Dios, na gaya ng mga anak na minamahal; At magsilakad kayo sa pagibig, gaya rin naman ng pagibig ni Cristo sa inyo, at ibinigay dahil sa atin ang kaniyang sarili, na hain at handog sa Dios upang maging samyo ng masarap na amoy.

Benediction*

Ephesians 3:20-21

Ngayon sa makapangyarihang gumawa ng lubhang sagana ng higit sa lahat ng ating hinihingi o iniisip, ayon sa kapangyarihang gumagawa sa atin, Ay sumakaniya nawa ang kaluwalhatian sa iglesia at kay Cristo Jesus sa buong panahon magpakailan man. Siya nawa.

Doxology*

Verbal Cue

The Lord Bless You and Keep You.